

玉山縣志卷四

城池 疆域附

地當衝要於設險之義尤不可不思民久不見兵革幾不知有防備之樂及語以明嘉靖時事則父老子弟有相與惕息者蓋當日卧不帖席唯無備故也既有備矣修而葺焉非長民之責歟百里所寄東南近而西北遠皆保障之慮所宜周也志城池

邑舊無城明嘉靖四十年流賊袁三亂後巡撫胡松檄推官

姚筐始築城圍七里高二仞廣丈有一尺女牆四尺門四

東潤澤西廉善南垂教北采粟 胡松記 隆慶間知縣陳所聞

從民請復闢二門東南曰儒林西南曰杏花萬歷四年知

縣周日甲改南城門 楊時喬記 ○按前 志改垂教曰文光 十四年知縣張道

玉山縣志

卷四 城池志

一

深復以鐵飾門嗣後時圯時葺

國朝順治五年兵變後漸圯女牆無存者康熙八年知縣唐

世徵捐貲完治之二十一年知縣余毓浩重建西門樓 通志

志

乾隆五十三年大水自東城衝出西城各圯數十丈又明年知縣丁如玉請修陞同知去旋被

旨回任修城東西城水門各二堅厚比舊制有加平去東南隅高地以殺水勢即用其土培西城外路高廣幾倍以固

城五十六年冬告竣 新增

縣東西廣一百十里 通志廣五 南北袤一百五十五里 府志

東四十里至草坪 一作常山界加四十里至常山縣西二

十五里至本縣四十都板橋舖永豐 今廣 上饒界加七十

五里至廣信上饒縣南二十五里至本縣二都大南嶺永豐界加三十五里至永豐縣北一百二十里至本縣二十五都嶺頭山開化界加一百六十里至開化縣東南四十里至本縣十都下鎮江山界加八十里至江山縣西北一百二十里至本縣二十九都太平橋德興界加二百里至德興縣縣治水陸各一百里至廣信府水陸各七百里至江西省由陸路千餘里水路二千五百里至江南省由陸路三千七百里水路五千餘里至

京師

在市曰街隅又曰坊巷

上街由縣前大驛路東抵東門鳴遠樓下西抵連城關邑之北隅屬之

玉山縣志

卷四

城池志

二

下街由東街三橋

三思竹林寶慶共橋三

頭折西直抵玉虹橋前折

北至杏花村邑之南隅屬之

東街由上街東折南經寶慶三思二橋邑之東隅屬之

西街由上街西折南過後田坂經湖橋直抵北樓巷邑之西隅屬之

杏花村在西隅地臨溪多杏故名相近有蔡家園後廢爲桑地今桑杏皆無

三里街由西關出下接七里街乾隆二十一年合衆捐貲立磚關以禦火災自城隍廟側下至三里街及橫路巷共建十二座天衢號捐銀二千有零

七里街由三里街直抵迎恩亭

朝京坊一名新城坊去縣治東三十步

華萼坊去縣治東南五十步

叢桂坊舊名狀元坊去縣治東南百步

欽化清化二坊去縣治南百二十步

忠義坊去縣治東南二百步爲樞密學士鄭公立今分爲上下二坊 上六坊有壓司巷繆家巷砂礫巷泮宮巷馬草巷東郭巷

遺愛坊去縣治西百步爲知縣黃袞名

清河坊去縣治西南二百步 上二坊有蔡家巷棗樹巷

新安坊去縣治南二百步

雙桂坊去縣治南二百五十步

巨慶坊在冰溪之南舊名冰溪坊 上三坊有石撞巷北樓巷

玉山縣志

卷四

城池志

三

會通坊去縣治南二十步

孝弟坊去縣治五十步爲唐氏立

城隅小甲舖共二十一所

東門舖四所 西門舖六所 南門舖四所 北門舖四

所 水南舖三所

在鄉曰都里凡十鄉四十都二十四里二墟附

信豐鄉在縣治南一都至五都屬之里二

永安里 仁義里

招善鄉在縣治東南六都至八都屬之里三

金安里 吳田里 正福里

惠安鄉在縣治東九都至十二都屬之里三

忠孝里 義方里 折桂里

前志有歸仁坊

務林鄉在縣治東十三都至十六都屬之里二
遊田里 萬歲里

安平鄉在縣治北十七都至二十都屬之里一
德政里

玉山鄉在縣治北二十一都至二十五都屬之里三
可豐里 建平里 禹門里

衣錦鄉在縣治西北二十六都至二十九都屬之里四
玉港里 五港里 安樂里 榮歸里

賓賢鄉在縣治西北三十都至三十二都屬之里三
招福里 長興里府志有坊頭坊 興賢里

懷德鄉在縣治西三十三都至三十五都屬之里二
進賢里 懷安里

玉山縣志

卷四

城池志

四

順城鄉在縣治西三十六都至四十都屬之里一

德教里

寨頭墟在縣治東江山縣界每月一六日爲集二邑之民
交相貿易最爲喧雜今集日改三八與鎮頭墟相間

鎮頭墟在八都集日與寨頭墟同 以上續志

按體國莫先經野內而街隅坊巷外而鄉與都里猶周
官之國中郊遂相與爲體也故通志以疆域附城池而
縣志則較詳焉坐擁一城而遠近瞭然心目敷治不更
易得其要歟

又按蘇祉府志坊頭歸仁二坊舊課錢五千八百五十
九貫二十一文二坊俱不存今補注賓賢惠安兩鄉內
以紀前聞